



ა(ა)იპ თბილისის განვითარების ფონდი

ელექტრონული ტენდერი

ქ. თბილისში, შოთა რუსთაველის გამზირზე N14-ში და N16-ში მდებარე შენობების ფასადების
სრული რესტავრაცია-რეაბილიტაციის სამუშაოები.

CPV - 45400000 - შენობის დასრულების სამუშაოები

ადგილობრივი თვითმმართველი ერთეულის 2016 წლის საბიუჯეტო სახსრებით

ქ. თბილისი

ინსტრუქცია ტენდერში მონაწილეთათვის

- ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. ტექნიკური დოკუმენტაციის განხილვისას უცხოენოვანსა და ქართულად ნათარგმნ დოკუმენტაციას შორის, პრიორიტეტის მინიჭების საკითხს წყვეტს სატენდერო კომისია.
- სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში.
- სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.
- პრეტენდენტს არ აქვს უფლება წარმოადგინოს ალტერნატიული სატენდერო წინადადება.
- ვინაიდან პრეტენდენტებისათვის სატენდერო წინადადების წარმოდგენა დასაშვებია მხოლოდ ეროვნულ ვალუტაში-ლარში, ხელშეკრულება გაფორმდება ლარში. შესაბამისად ხელშეკრულების უზრუნველყოფის გარანტია წარმოდგენილი უნდა იქნეს ეროვნულ ვალუტაში-ლარში. უცხოური ბანკებიდან საბანკო გარანტიების წარმოდგენის შემთხვევაში მათთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიების საფუძველზე საქართველოში აკრედიტირებული საბანკო დაწესებულებების მიერ გაცემული „კონტრ გარანტიები“ (ლარში) ან უცხოური ბანკებიდან წარმოდგენილი საბანკო გარანტიების (ლარში) ვალიდურობა დადასტურებული უნდა იყოს საქართველოს ეროვნული ბანკის მიერ. საბანკო გარანტიები და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).
- იმ შემთხვევაში თუ ტენდერში ელექტრონული ვაჭრობის შედეგად პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მოთხოვნიდან არაუმეტეს 10 (ათი) სამუშაო დღისა პრეტენდენტმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა (ვაჭრობის შედეგად დაფიქსირებული საბოლოო ღირებულების შესაბამისი სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა აკრედიტირებული პირის მიერ გაცემული შესაბამისი დასკვნა (დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი)). ამავდროულად, შემსყიდველი უფლებამოსილია გამარჯვებულ პრეტენდენტს მოსთხოვოს ხელშეკრულების უზრუნველყოფის გარანტია ხელშეკრულების ღირებულების 2%-დან 10%-მდე ოდენობით.

1. ქ. თბილისში, შოთა რუსთაველის გამზირზე N14-ში და N16-ში მდებარე შენობების ფასადების სრული რესტავრაცია-რეაბილიტაციის სამუშაოები.
2. მიწოდების ვადა: ხელშეკრულების გაფორმებიდან არაუმეტეს 3 თვისა.
3. შესყიდვის ობიექტის მიწოდების ადგილი: ქ. თბილისი, შოთა რუსთაველის გამზ. N14 და N16.
4. შესყიდვის ობიექტის სავარაუდო ღირებულება - **799,123.00** (შვიდას ოთხმოცდაცხრამეტი ათას ასოცდასამი) ლარი დღგ-ს ჩათვლით, მათ შორის რუსთაველის N14-ში მდებარე შენობის სამუშაოების სავარაუდო ღირებულება - **297,963** ლარი, ხოლო რუსთაველის N16-ში მდებარე შენობის სამუშაოების სავარაუდო ღირებულება - **501,160** ლარი.
5. წინასწარი ანგარიშსწორების (ავანსი) გამოყენება შესაძლებელია ავანსის საჭიროების შესახებ მიმწოდებლის წერილობითი დასაბუთებული წინადადების წარმოდგენის შემთხვევაში, შემსყიდველთან შეთანხმებით, ხელშეკრულების საერთო ღირებულების არაუმეტეს 30%-ის ოდენობით. ავანსის სახით წინასწარი ანგარიშსწორება მოხდება საავანსო თანხის იდენტური ოდენობის გამოუთხოვადი და უპირობო საბანკო გარანტიის წარმოდგენის შემთხვევაში, (რომლის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს სამუშაოების დასრულების ვადას). (ავანსის დაკავება მოხდება პროპორციულად).
6. სატენდერო წინადადების ტექნიკური დოკუმენტაციის დაზუსტება უნდა მოხდეს შემსყიდველის მოთხოვნიდან არაუმეტეს 1-3 სამუშაო დღის ვადაში.
7. პრეტენდენტს უნდა გააჩნდეს შესყიდვის ობიექტის, ისტორიულ-კულტურული მემკვიდრეობის ძეგლებზე, ანალოგიური სამუშაოების განხორციელების გამოცდილება 2010-2016 წლების განმავლობაში (2010-2016 წლებში არანაკლებ რომელიმე 3 წელს), რომლის საერთო ღირებულება უნდა იყოს არანაკლებ 30,000,000 (ოცდაათი მილიონი) ლარისა. ამასთან, უნდა გააჩნდეს არანაკლებ 10 ისტორიულ-კულტურული მემკვიდრეობის ძეგლებზე მუშაობის გამოცდილება. ასევე, არანაკლებ ერთ ობიექტზე შესრულებული უნდა ჰქონდეს არანაკლებ 1,000,000 (ერთი მილიონი) ლარის სამუშაოები.
8. შემსყიდველის მოთხოვნის შემთხვევაში მიმწოდებელი ვალდებულია წარმოადგინოს საშენი მასალების ხარისხის დამადასტურებელი სერტიფიკატი და საკუთარი ხარჯით ჩაატაროს ხარისხის ექსპერტიზა სერტიფიცირებულ ექსპერტიზის ლაბორატორიაში.
9. ტენდერში გამოყენებული იქნება ხელშეკრულების შესრულების უზრუნველყოფის უპირობო საბანკო გარანტია ხელშეკრულების ჯამური ღირებულების 5%-ის ოდენობით (თეთრი სიის შემთხვევაში 2.5%), რომლის ვადა უნდა აღემატებოდეს სამუშაოს დასრულების ვადას არანაკლებ 30 კალენდარული დღით.
10. გამარჯვების შემთხვევაში პრეტენდენტის საკვალიფიკაციო მონაცემები უნდა შეიცავდეს შემდეგ დოკუმენტებს:
 - 10.1 ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან (ფიზიკური პირების გარდა).
 - 10.2 ცნობა შესაბამისი უწყებიდან, რომ არ მიმდინარეობს გადახდისუუნარობის საქმის წარმოება (ფიზიკური პირის გარდა).
 - 10.3 ცნობა შემოსავლების სამსახურიდან ბიუჯეტის წინაშე დავალიანების არ არსებობის შესახებ.
 - 10.4 გამარჯვებულმა პრეტენდენტმა უნდა წარმოადგინოს საკვალიფიკაციო მონაცემების დამადასტურებელი დოკუმენტები ერთიანი ელექტრონულ სისტემის მეშვეობით შემსყიდველის წერილობითი მოთხოვნიდან არაუმეტეს 5 (ხუთი) სამუშაო დღისა, რომელიც გაცემულ უნდა იყოს: რეზიდენტი პრეტენდენტის შემთხვევაში - ტენდერისათვის „წინადადების მიღება დაწყებულია“ სტატუსის მინიჭების შემდეგ, ხოლო არარეზიდენტი პრეტენდენტის შემთხვევაში - „წინადადების მიღება დაწყებულია“ სტატუსის მინიჭებამდე არაუგვიანეს ოცდაათი დღისა. (სახელმწიფო შესყიდვების სააგენტოს თეთრ სიაში დარეგისტრირებული მიმწოდებელი თავისუფლდება ელექტრონულ ტენდერში საკვალიფიკაციო მონაცემების დამადასტურებელი დოკუმენტების წარდგენის ვალდებულებისაგან.)
11. **პრეტენდენტის მიერ ერთიან ელექტრონულ სისტემაში ასატვირთი დოკუმენტები:**
 - 11.1 ხარჯთაღრიცხვა დანართი N1-ის მიხედვით. (პრეტენდენტმა ხარჯთაღრიცხვის შედგენისას უნდა გაითვალისწინოს საქართველოს მთავრობის „სამშენებლო სამუშაოების სახელმწიფო შესყიდვისას ზედნაღები ხარჯებისა და გვერდითი მოვების განსაზღვრის წესის დამტკიცების შესახებ“ 2014 წლის 14 იანვრის დადგენილება N55-ით გათვალისწინებული მოთხოვნები).

შენიშვნა - ხარჯთაღრიცხვების შედგენისას (სამუშაოთა განფასებისას) თითოეული შენობის ღირებულება არ უნდა აღემატებოდეს სატენდერო დოკუმენტაციის მე-4 პუნქტში მითითებულ სავარაუდო ღირებულებებს თითოეულ შენობაზე.

11.2 რეკვიზიტები (დანართი N2).

11.3 შესყიდვის ობიექტის, ისტორიულ-კულტურული მემკვიდრეობის ძეგლებზე, ანალოგიური სამუშაოების განხორციელების გამოცდილების დამადასტურებელი შესაბამისი დოკუმენტები (მიღება-ჩაბარების აქტები, ფორმა №2-ები და სხვ.) რომლის საერთო ღირებულება 2010 – 2016 წლების განმავლობაში (2010-2016 წლებში არანაკლებ რომელიმე 3 წელს) უნდა იყოს არანაკლებ 30,000,000 (ოცდაათი მილიონი) ლარისა. ასევე, არანაკლებ 10 ისტორიულ-კულტურული მემკვიდრეობის ძეგლებზე მუშაობის გამოცდილების დამადასტურებელი შესაბამისი დოკუმენტები და არანაკლებ ერთ ობიექტზე შესრულებული სამუშაოების დამადასტურებელი დოკუმენტები (მიღება-ჩაბარების აქტები, ფორმა №2-ები და სხვ.) რომლის საერთო ღირებულება უნდა იყოს არანაკლებ 1,000,000 (ერთი მილიონი) ლარისა.

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია კომისიის აპარატში, ქ. თბილისი, ძმ. ზუბალაშვილების ქ. 48, ა(ა)იპ თბილისის განვითარების ფონდში, საკონტაქტო პირი: გვანცა ბერუჩაშვილი, ტელ: +995 99 555 785, ელ-ფოსტა: g.beruchashvili@tdf.ge , ტექნიკურ საკითხებზე: პავლე სამსონაშვილი, ტელ: +995 595 502 713, ელ-ფოსტა: p.samsonashvili@tdf.ge .

დანართი N2

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტა:

ბანკის დასახელება:

ბანკის კოდი:

საბანკო ანგარიშის ნომერი: